

Broj: 03-03-42- 353/20
Datum: 04.03.2020. god.

IZVOD IZ ZAPISNIKA

Sa Četrdesetprve sjednice Vijeća FIN-a održane dana 04.03.2020. godine u prostorijama dekanata sa početkom u 14 sati.

DNEVNI RED:

1. Usvajanje zapisnika sa Četrdesetprve redovne sjednice Vijeća;
2. Prijedlog Plana upisa studenata u akademskoj 2020/21. godini;
3. Kadrovska i personalna pitanja:
 - a) Izvještaj komisije po raspisanom konkursu za izbor u akademsko zvanje:
 - Viši asistent, naučna oblast Islamska civilizacija
 - b) Prijedlog donošenja odluke o pokretanju postupka izbora u akademsko zvanje viši asistent za naučnu oblast Religijska pedagogija, 1 izvršilac (puno radno vrijeme);
4. Prijedlog Katedre za Filologiju Kur'ana za uvođenje predmeta arapski jezik na 4. semestru Studijski program za imame, hatibe i muallime;
5. Treći ciklus studija:
 - Izvještaj sekretara Vijeća doktorskog studija
6. Postdiplomski studij:
 - Izvještaj sekretara Vijeća postdiplomskog studija
7. Drugi ciklus studija;
8. Međunarodna saradnja;
9. Razno.

Ad. 1. Izvod iz Zapisnika sa Četrdesetprve redovne sjednice Vijeća.

Zapisnik se usvaja.

Ad. 2. Prijedlog Plana upisa studenata u akademskoj 2020/21. godini.

Prijedlog plana upisa za prvi sciklus studija za studijske programe kako slijedi:

	FAKULTET ISLAMSKIH NAUKA	4 240 (E)CTS	50	25	25	-	22	122
	Studijski program Islamske teologije	4 240 (E)CTS	25	10	10	-	15	60

Studijski program Islamske vjeronauke i religijske pedagogije	4 240 (E)CTS	15	5	5	-	5	30
Studijski program za imame, hatibe i mualime	3 180 (E)CTS	10	10	10	-	2	32

Pravo učešća na Konkursu pod jednakim uvjetima imaju:

- državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini;
- kandidati koji su srednju školu završili izvan Bosne i Hercegovine, a za koje je nakon postupka priznavanja odnosno ekvivalencije utvrđeno da imaju završeno adekvatno obrazovanje za nastavak školovanja;
- kandidati sa završenom četverogodišnjom srednjom školom po međunarodnim programima koji su odobreni od nadležnog ministarstva.

Diplome obrazovnih ustanova, medresa i fakulteta čiji su osnivači od Islamske zajednice u Bosni i Hercegovini nepriznate vjerske strukture ili djeluju u njihovim okviru ne priznaju se u organima i ustanovama Islamske zajednice u Bosni i Hercegovini. Na osnovu diploma stečenih u takvim obrazovnim ustanovama nije moguće izvršiti prijem studenata na fakultete.

Kandidati koji su srednju školu završili izvan Bosne i Hercegovine imaju pravo učešća na Konkursu i prije izvršenog priznavanja odnosno ekvivalencije svjedočanstva o završenom srednjoškolskom obrazovanju u inozemstvu. Ukoliko ovi kandidati prilikom predaje dokumentacije za upis nisu izvršili ekvivalenciju svjedočanstva, organizaciona jedinica je dužna zaprimiti ostalu dokumentaciju i uključiti kandidata u postupak za upis prema odredbama člana 85. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), u kojem se navodi da se kandidat koji ispunjava uvjete konkursa, a nalazi se na rang-listi kandidata koji su položili prijemni ispit u okviru odobrene kvote studenata za upis na tu organizacionu jedinicu, može uslovno upisati u prvu studijsku godinu prije izvršene ekvivalencije svjedočanstva, uz prezentiranje potvrde da je postupak ekvivalencije po njegovom zahtjevu u toku i da kašnjenje u donošenju odgovarajućeg rješenja nije rezultat njegovog propusta koji mu se može staviti na teret.

Vijeće Fakulteta prihvata prijedlog i isto se prosljeđuje Upravi za obrazovanje i nauku, te nakon saglasnosti Senatu Univerziteta.

Rokove objavljivanja Konkursa uskladiti će se sa rokom koji odredi Univerzitet u Sarajevu.

Ad. 3. Kadrovska i personalna pitanja:

a) Izvještaj komisije po raspisanom konkursu za izbor u akademsko zvanje:
Viši asistent, naučna oblast Islamska civilizacija.

Komisija konstatira da se na raspisani konkurs prijavio jedan (1) kandidat, i to

Mr. Azra Kulenović, 71320 Vogošća, prijava putem protokola Fakulteta br. 07-2-86/20 od 20. 01. 2020. U Izvještaju sekretara Fakulteta Emine Muderizović, dipl. prav., br. 07-2-113/20 od 27. 01. 2020. o usklađenosti prijave kandidata sa uvjetima konkursa prema redoslijedu

podnošenja prijava na protokol Fakulteta, navodi se da je kandidat mr. Azra Kulenović blagovremeno podnijela prijavu, u skladu s objavljenim konkursom. U prijavi na konkurs koja je zavedena u protokolu Fakulteta pod br. 07-2-86/20, dana 20. 01. 2020. kandidat je navela da podnosi prijavu na konkurs za izbor nastavnika u zvanju višeg asistenta za naučnu oblast Islamska civilizacija.

Uz prijavu na konkurs kandidat je priložila je slijedeće dokumente:

- popunjen obrazac prijave na konkurs;
- biografiju (CV);
- bibliografiju radova;
- diplomu o završenom studiju za sticanje visoke spreme na Fakultetu islamskih nauka u Sarajevu (ovjerene fotokopija) od 03.10.2011;
- uvjerenje o završenom drugom ciklusu studija br. 03-6-304/19 od 18.11.2019. (ovjerena fotokopija);
- uvjerenje o prepisu ocjena u toku prvog i drugog ciklusa studija;
- potvrdu o radnom angažmanu na Fakultetu islamskih nauka u saradničkom zvanju *asistent* za naučnu oblast Islamska kultura i civilizacija izdatu od Fakulteta pod br. 07-2-50/20 dana 10. 01. 2020;
- izvod iz matične knjige rođenih (ovjerena fotokopija);
- uvjerenje o državljanstvu Bosne i Hercegovine i Federacije Bosne i Hercegovine (ovjerena fotokopija);

Komisija konstatira da kandidat mr. Azra Kulenović ispunjava formalne i proceduralne uvjete konkursa.

Nakon što je Komisija pregledala dostavljenu dokumentaciju, a u skladu sa Zakonom o visokom obrazovanju Kantona Sarajevo (Sl. novine Kantona Sarajevo br. 33/17) i Statutom Univerziteta u Sarajevu br. 01-1093-3-1/18 od 28. 11. 2018., Vijeću Fakulteta islamskih nauka Univerziteta u Sarajevu podnosi slijedeći:

IZVJEŠTAJ

BIOGRAFSKI PODACI O KANDIDATU

Obrazovanje i radni angažman

Mr. Azra Kulenović rođena je u Sarajevu (Bosna i Hercegovina), gdje je završila osnovnu školu, a Gazi Husrev-begovu medresu 2006. godine. Iste godine upisala je dodiplomski studij na Fakultetu islamskih nauka koji je završila 2010. s prosjekom ocjena 9.88. U periodu 01. 01.–31.12. 2010. godine radila je kao urednica i voditeljica Vjerskog programa Radija Federacije Bosne i Hercegovine. U periodu 08.03.-09.09. 2012. godine radila je kao pripravnik na predmetu Islamska vjeronauka u OŠ “Mula Mustafa Bašeskija“ u Sarajevu.

Odlukom Senata Univerziteta u Sarajevu broj 01-34-32/12 od 18.07.2012, izabrana je na mjesto saradnika-asistenta za oblast Islamska kultura i civilizacija na Fakultetu islamskih nauka u Sarajevu.

Drugi ciklus studija završila je 13.11.2019. godine uspješnom odbranom magistarskog rada na temu *Islamski teološki fakultet od 1977. do 1992. godine*, pod mentorstvom prof.dr. Ahmeta Alibašića. Trenutno je zaposlena na Fakultetu islamskih nauka Univerziteta u Sarajevu u saradničkom zvanju *asistent* na Katedri za islamsku civilizaciju na predmetima: Uvod u studije

islamske kulture i civilizacije, Historija islamske kulture i civilizacije, Kulturna historija Bosne i Hercegovine, Historija Bosne i Hercegovine i institucije Islamske zajednice u Bosni i Hercegovini, Islamska kultura i civilizacija na Balkanu, Muslimanski doprinos civilizaciji, Islam u Evropi, te Studije genocida.

Dodatno usavršavanje

Nakon izbora u zvanje asistenta mr. Azra Kulenović pohađala je dodatno usavršavanje:

- 24. 08.-07.09. 2013. – *Prva IIIT evropska ljetna škola - Muslimani u Evropi: savremena misao, politika identiteta i budući izazovi* (First IIIT European Summer School – Muslims in Europe: Contemporary Thought, Identity Politics, and Future Challenges), u organizaciji Centra za napredne studije u Sarajevu, Instituta za islamsku misao iz Londona i Instituta za epistemološke studije iz Brisela u saradnji s Fairfax institutom iz SAD-a, održano na Internacionalnom univerzitetu u Sarajevu, Sarajevo (Bosna i Hercegovina),
- 01.-08.03. 2013. – Seminar *Fikh manjina, metodologija pravnog statusa i međureligijski dijalog*, organiziran od strane Qatar Foundation u saradnji sa Univerzitetom Hamad bin Khalifa i Fakultetom islamskih nauka u Dohi, Doha (Qatar),
- 01.-14.07. 2012. – Ljetna škola turskog jezika u organizaciji Turskog kulturnog centra Junus Emre (Yunus Emre Türkçe Yaz Okulu 2012.): Ankara, Gaziantep, Urfa, Istanbul.

PREGLED NAUČNIH I STRUČNIH RADOVA KANDIDATA OBJAVLJENIH NAKON POSLJEDNJEG IZBORA U ZVANJE

- „Novčana uvakufjenja za Fakultet islamskih nauka“, *Uloga vakufa u razvoju Fakulteta islamskih nauka u Sarajevu*, urednik Mustafa Hasani, FIN, Sarajevo, 2019., str. 31-44; 195-277;
- "Vakifi, stipenditori i donatori Fakulteta islamskih nauka", *Fakultet islamskih nauka Univerziteta u Sarajevu 1977-2017*, gl. urednik Zuhdija Hasanović. Sarajevo, El-Kalem, 2017., str.159-173 (u koautorstvu sa Mustafom Hasanijem i Firdevsom Jelovac).

ZAKLJUČAK I MIŠLJENJE KOMISIJE

Na temelju izloženog, Komisija je došla do slijedećih zaključaka:

1. Mr. Azra Kulenović, asistent, posjeduje naučni stepen magistra islamskih nauka u oblasti Islamske civilizacije, čime ispunjava prvi uvjet za izbor u akademsko zvanje višeg asistenta;
2. Mr. Azra Kulenović je provela izborni period u zvanju asistenta, s prosječnom ocjenom 9.88 na prvom i 9.67 na drugom ciklusu studija, što je iznad najniže prosječne ocjene od 8 ili 3,5 u skladu s Članom 194, stavom (1) Statuta Univerziteta u Sarajevu.
3. Na osnovu uvida u dosije mr. Kulenović i iskustva saradnje članova Komisije s njom u realizaciji nastavnog procesa na Katedri za islamsku civilizaciju, Komisija ističe da mr. Azra Kulenović blagovremeno i uredno izvršava svoje obaveze u nastavnom procesu (održavanje vježbi i seminara, učešće u održavanju ispita itd.), te predano i posvećeno radi na prenošenju znanja studentima, što potvrđuju rezultati studentske evaluacije rada kandidata u nastavi.

Stoga, svesrdno predlažemo Vijeću Fakulteta islamskih nauka Univerziteta u Sarajevu da ovaj Izvještaj o izboru asistentice mr. Azre Kulenović, u nastavno-naučno zvanje višeg asistenta za oblast Islamska civilizacija usvoji i da se on proslijedi u daljnju proceduru.

Vijeće Fakulteta je utvrdilo prijedlog

ODLUKE

1. **Mr Azra Kulenović** bira se u zvanje **viši asistent** za naučnu **oblast Islamska civilizacija**, na period od pet godina s mogućnošću jednog ponovnog izbora isključivo ako postigne stepen trećeg ciklusa studija.
2. **Mr Azra Kulenović** zaključuje ugovor o radu na određeno vrijeme sa punim radnim vremenom.

Prijedlog se dostavlja Rijasetu, Upravi za nauku i obrazovanje i isti će se nakon dobivene saglasnosti proslijediti Senatu Univerziteta u Sarajevu na odlučivanje.

b) Prijedlog donošenja odluke o pokretanju postupka izbora u akademsko zvanje viši asistent za naučnu oblast Religijska pedagogija, 1 izvršilac (puno radno vrijeme).

Imajući u vidu da članu akademskog osoblja u zvanju asistenta ističe izborni period, te da se prema članu 103. stav (1) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17) i člana 201. stav (4) tačka a) Statuta, broj: 01-1093-3-1/18 od 28.11.2018. godine, konkurs za izbor člana akademskog osoblja obavezno raspisuje najkasnije 6 (šest) mjeseci prije isteka izbornog perioda, Katedra za Religijsku pedagogiju i religijsku psihologiju je predložila pokretanje procedure za izbor akademsko zvanje viši asistent za naučnu oblast religijska pedagogija, 1 izvršilac (puno radno vrijeme). Shodno navedenom prijedlogu Katedre, Vijeće Fakulteta donosi prijedlog

ODLUKE

Raspisuje se konkurs za izbor u akademsko zvanje viši asistent za naučnu oblast Religijska pedagogija, 1 izvršilac (puno radno vrijeme).

Tekst Konkursa je sastavni dio Odluke.

Odluka stupa na snagu nakon što Rijaset, Uprava za obrazovanje i nauku i Senat Univerziteta u Sarajevu daju saglasnost na istu.

Ad. 4. Prijedlog Katedre za Filologiju Kur'ana za uvođenje predmeta arapski jezik na 4. semestru Studijski program za imame, hatibe i muallime

Z A K L J U Č A K

Vijeće Fakulteta zadužuje Katedru Filologije Kur'ana da u narednom periodu istraži sistemske načine izučavanja arapskog jezika u okviru nastavnog plana i programa prvog i drugog ciklusa studija.

Ad. 5. Treći ciklus studija:

Sekretar Vijeća doktorskog studija - III ciklus prof. dr. Samir Beglerović upoznao je članove Vijeća kako slijedi:

a) Izvještaja Komisije o toku i rezultatu odbrane doktorske disertacije pod naslovom: „Fikh Evropskog vijeća za fetve i istraživanja u oblasti porodičnih odnosa”, doktoranda mr Ahmeda Hatunića.

Izvještaj je predstavio predsjednik Vijeća prof. dr **Adnan Silajdžić**.

Nakon kraće rasprave, Izvještaj Komisije jednoglasno je usvojen.

Ovaj prijedlog proslijeđuje se na verifikaciju Vijeću Fakulteta islamskih nauka i Senatu Univerziteta u Sarajevu.

b) Izvještaj Komisije za ocjenu doktorske disertacije pod naslovom: „Bajramijski derviški red – društvena uloga i književno nasljeđe od XV do XVIII stoljeća”, kandidata mr Azre Medara, nakon dobivenog rezultata provjere primjenom softvera za detekciju potencijalnog plagijarizma Detaljnom analizom, Komisija za praćenje korištenja softvera za detekciju potencijalnog plagijarizma ustanovila je da se u radu mr Azre Medara nalazi 6% neoriginalnog teksta. U svome Izvještaju Komisija za ocjenu radne verzije doktorskog rada istakla je da se rečeni procenat odnosi na naslove korištenih djela odnosno uredno navedene citate, te je korigovanu radnu verziju **prihvatila**.

Stoga je predložena Komisija za odbranu doktorskog rada u sastavu:

1. dr Asim Zubčević, docent, **predsjednik**
2. dr Samir Beglerović, vanredni profesor, **član**
3. dr Ahmet Alibašić, vanredni profesor, **mentor, član**

Ovaj prijedlog proslijeđuje se na verifikaciju Vijeću Fakulteta islamskih nauka i Senatu Univerziteta u Sarajevu.

c) Izvještaj Komisije za ocjenu doktorske disertacije pod naslovom: „Temeljna učenja alevija“, kandidata mr Samede Omerdića, nakon dobivenog rezultata provjere primjenom softvera za detekciju potencijalnog plagijarizma kao u prethodnom slučaju, detaljnom analizom, Komisija za praćenje korištenja softvera za detekciju potencijalnog plagijarizma ustanovila je da se u radu mr Samede Omerdića nalazi 8% neoriginalnog teksta. U svome Izvještaju Komisija za ocjenu radne verzije doktorskog rada istakla je da se rečeni procenat odnosi na naslove korištenih djela odnosno uredno navedene citate, te je korigovanu radnu verziju **prihvatila**.

Stoga je predložena Komisija za odbranu doktorskog rada u sastavu:

1. dr Adnan Silajdžić, redovni profesor, **predsjednik**
2. dr Samir Beglerović, vanredni profesor, **član**
3. dr Nedžad Grabus, vanredni profesor, **mentor, član**

Ovaj prijedlog proslijeđuje se na verifikaciju Vijeću Fakulteta islamskih nauka i Senatu Univerziteta u Sarajevu.

d) Izvještaj Komisije za ocjenu doktorske disertacije pod naslovom: „Tesavvufsko-odgojna misao Ibn ‘Aṭā’illāha as-Sakandarija“, kandidata hafiza mr Edina Dedića, nakon dobivenog rezultata provjere primjenom softvera za detekciju potencijalnog plagijarizma

Kao u prethodna dva slučaja, detaljnom analizom, Komisija za praćenje korištenja softvera za detekciju potencijalnog plagijarizma ustanovila je da se u radu hafiza mr Edna Dedića nalazi 3% neoriginalnog teksta. U svome Izvještaju Komisija za ocjenu radne verzije doktorskog rada

istakla je da se rečeni procenat odnosi na naslove korištenih djela odnosno uredno navedene citate, te je korigovanu radnu verziju **prihvatila**.

Stoga je predložena Komisija za odbranu doktorskog rada u sastavu:

1. dr Adnan Silajdžić, redovni profesor, **predsjednik**
2. dr Dina Sijamhodžić-Nadarević, vanredni profesor, **član**
3. dr Samir Beglerović, vanredni profesor, **mentor, član**

Ovaj prijedlog prosljeđuje se na verifikaciju Vijeću Fakulteta islamskih nauka i Senatu Univerziteta u Sarajevu.

e) Prijedlog mentora prof. dr Zuhdije Hasanovića o imenovanju hafiza prof. dr Aida Smajića za drugog mentora pri izradi doktorskog rada pod naslovom: „Upravljanje ljudskim potencijalima u sunnetu Božijeg poslanika Muhammeda, s.a.v.s.“, kandidata hafiza mr Adnana Srebrenice.

Nakon kraće rasprave, prijedlog prof. dr **Zuhdije Hasanovića** jednoglasno je **usvojen**. Za drugog mentora pri izradu doktorskog rada pod naslovom: „Upravljanje ljudskim potencijalima u sunnetu Božijeg poslanika Muhammeda, s.a.v.s.“, kandidata hafiza mr Adnana Srebrenice, predlaže se hafiz prof. dr **Aid Smajić**.

Ovaj prijedlog prosljeđuje se na verifikaciju Vijeću Fakulteta islamskih nauka i Senatu Univerziteta u Sarajevu.

f) Prijava radne verzije doktorske disertacije pod naslovom: „Klasična muslimanska teološka percepcija drugih religijskih tradicija“, kandidata hafiza mr Saudina Gobeljića (mentor prof. dr Adnan Silajdžić)

Nakon kraće rasprave predložena je Komisija za ocjenu radne verzije doktorskog rada, u sastavu:

1. dr Samir Beglerović, vanredni profesor, **predsjednik**
2. dr Adnan Silajdžić, redovni profesor, **mentor, član**
3. dr dr Orhan Jašić, docent, **član**

Ovaj prijedlog prosljeđuje se na verifikaciju Vijeću Fakulteta islamskih nauka i Senatu Univerziteta u Sarajevu.

Ad. 6. Postdiplomski studij:

- Izvještaj sekretara Vijeća postdiplomskog studija

a) Izvještaj Komisije za ocjenu i odbranu doktorskog rada pod naslovom: „Pravna misao Mustafe ez-Zerke“, kandidata mr Ahmeda Purdića.

Mišljenje i prijedlog Komisije pročitao je njen predsjednik prof. dr **Nedim Begović**.

Komisija je donijela **pozitivnu ocjenu**.

Izvještaj Komisije jednoglasno je **usvojen**.

Datum i termin odbrane određen je na prvoj narednoj sjednici Vijeća Fakulteta islamskih nauka Univerziteta u Sarajevu, ukoliko u međuvremenu bude završena analiza rada uslijed potencijalnog plagijata.

Ovaj prijedlog prosljeđuje se na verifikaciju Vijeću Fakulteta Univerziteta u Sarajevu.

Fakultetu je nakon dobivenog rezultata provjere primjenom softvera za detekciju potencijalnog plagijarizma

b) Obavijest mentora prof. dr Adnana Silajdžića o završetku doktorskog rada pod naslovom: „Predstavljanje i analiza glavnih tokova religijske misli u Iranu – Od II svjetskog rata do danas“, kandidata mr Nihada Čamdžića.

Nakon kraće rasprave predložena je Komisija za ocjenu i odbranu rada, u sastavu:

1. dr Samir Beglerović, vanredni profesor, **predsjednik**
2. dr Adnan Silajdžić, redovni profesor, **mentor, član**
3. dr Sedad Dizdarević, vanredni profesor, Islamski pedagoški fakultet Univerziteta u Zenici, **član**
4. dr dr Orhan Jašić, docent, **zamjenski član**

Ovaj prijedlog prosljeđuje se na verifikaciju Vijeću Fakulteta islamskih nauka te Senatu Univerziteta u Sarajevu.

c) Obavijest mentora prof. dr Samira Beglerovića o završetku magistarskog rada pod naslovom: „Analiza tekstova o islamu objavljenih u štampanim medijima i na medijskim portalima u Republici Sloveniji (1991.-2017.)“, kandidata Osmana Đogića

Nakon kraće rasprave predložena je Komisija za ocjenu i odbranu rada, u sastavu:

1. dr Adnan Silajdžić, redovni profesor, **predsjednik**
2. dr Samir Beglerović, vanredni profesor, **mentor, član**
3. dr dr Orhan Jašić, docent, **član**

Ovaj prijedlog prosljeđuje se na verifikaciju Vijeću Fakulteta islamskih nauka u Sarajevu.

d) Izvještaj Komisije za ocjenu uslova kandidata Hajrudina Čuprije i podobnosti teme magistarskog rada pod naslovom: „Mogućnosti i utjecaj religijskog odgoja na vrijednosti i ponašanja učenika sarajevskih osnovnih škola“.

Izvještaj je pročitala prof. dr **Dina Sijamhodžić-Nadarević**.

Komisija je donijela **pozitivnu ocjenu** te predložila da se kandidatu dozvoli izrada magistarskog rada na naslovljenu temu.

Nakon kraće rasprave, Izvještaj Komisije **jednoglasno je usvojen**.

Za mentora pri izradi magistarskog rada predlaže se prof. dr **Dina Sijamhodžić-Nadarević**.

Ovaj prijedlog prosljeđuje se na verifikaciju Vijeću Fakulteta islamskih nauka u Sarajevu.

e) Molba Sejda Eminovića za imenovanje mentora te reaktiviranje statusa studenta postdiplomskih studija

Nakon kraće rasprave, za mentora kandidatu imenuje se prof. dr **Dina Sijamhodžić-Nadarević**.

Ovaj prijedlog prosljeđuje se na verifikaciju Vijeću Fakulteta islamskih nauka u Sarajevu.

Ad. 5. Drugi ciklus studija:

- a) Izvještaj Komisije za ocjenu i odbranu master rada kandidata Ejuba Jašića pod naslovom: "Prevođenje ajeta u djelima Mehmeda Handžića". Izvještaj Komisije pročitao je prof. dr. Almir Fatić. Vijeće Fakulteta usvaja Izvještaj, te se donosi

O D L U K A

o odbrani magistarskog rada – drugi ciklus studija

Usvaja se Izvještaj Komisije za ocjenu i odbranu master rada kandidata Ejuba Jašića pod naslovom: "Prevođenje ajeta u djelima Mehmeda Handžića".

Javna odbrana magistarskog rada zakazuje se za utorak 17. marta 2020. godine u 14 sati i 30 minuta na Fakultetu islamskih nauka Univerziteta u Sarajevu.

- b) Izvještaj Komisije za ocjenu i odbranu master rada kandidata hfz. Ammara Bašića pod naslovom: "Sadržajni i strukturalni aspekti hutbi Poslanika, s.a.v.s.". Izvještaj Komisije pročitao je prof. dr. Zuhdija Hasanović. Vijeće Fakulteta usvaja Izvještaj, te se donosi

O D L U K U

o odbrani magistarskog rada – drugi ciklus studija

Usvaja se Izvještaj Komisije za ocjenu i odbranu master rada kandidata hfz. Ammara Bašića pod naslovom: "Sadržajni i strukturalni aspekti hutbi Poslanika, s.a.v.s."

Javna odbrana magistarskog rada zakazuje se za srijedu 18. marta 2020. godine u 14:00 sati na Fakultetu islamskih nauka Univerziteta u Sarajevu.

- c) Izvještaj Komisije za ocjenu i odbranu master rada kandidata Hasana Hasića pod naslovom: "Komparativno-kontrastivna stilografijska analiza Prijevoda Kur'ana hafiza Sejjida Zenunovića i ostalih prijevoda Kur'ana". Izvještaj Komisije pročitao je prof. dr. Almir Fatić. Vijeće Fakulteta usvaja Izvještaj, te se donosi

O D L U K A

o odbrani magistarskog rada – drugi ciklus studija

Usvaja se Izvještaj Komisije za ocjenu i odbranu master rada kandidata Hasana Hasića pod naslovom: "Komparativno-kontrastivna stilografijska analiza Prijevoda Kur'ana hafiza Sejjida Zenunovića i ostalih prijevoda Kur'ana".

Javna odbrana magistarskog rada zakazuje se za utorak 24. marta 2020. godine u 14 sati i 30 minuta na Fakultetu islamskih nauka Univerziteta u Sarajevu.

Ad. 6. Međunarodna saradnja – Vijeće Fakulteta prima na znanje informacije prodekana za međunarodnu saradnju.

Ad. 7. Razno

Dekan Fakulteta upoznao je članove Vijeća o zahtjevu prof. dr. Nusreta Isamovića za produženje radnog odnosa. Naime, tokom tekuće akademske godine zbog navršenih 65. godina starosti, te zakonske mogućnosti za redovne profesore ukoliko postoji nastavna potreba za produženjem radnog odnosa za dvije akademske godine. Prodekan za nastavu prof. dr. Ahmet Alibašić istakao je da je prema nastavnom planu i programu u akademskoj 2020/2021. godini prof. dr. N. Isanović ima punu normu, a u 2021/2022. godini još dodatna dva časa, također u prethodne tri godine ima objavljena 3 (tri) naučna rada. Vijeće Fakulteta je nakon iznesenog prijedloga i datih obrazloženja utvrdilo prijedlog

ODLUKE

Dr Nusretu Isanoviću, redovnom profesoru na predmetima naučne oblasti Islamske filozofije, nakon navršenih 65. godina života, produžava se radni odnos do 30.09.2022. godine.

Sastavni dio Odluke su dokazi o ispunjenosti uslova za produženje radnog odnosa prof. dr Nusreta Isanovića.

Dekan Fakulteta upoznao je članove Vijeća sa Zaključkom Rijaseta kojim se Usvaja obavezujuća uputa visokoškolskim ustanovama Islamske zajednice u Bosni i Hercegovini o postupanju nakon što nastavnici na fakultetima steknu uvjete za penziju, sljedećeg sadržaja:

Polazeci od zakonske obaveze da nastavnici sa navršenih 65 godina starosti steknu uvjete za penzioniranje, te od opredjeljenja da se pružaju prilike mladim kadrovima, Rijaset Islamske zajednice traži od svih fakulteta da za nastavničku poziciju koja bude slobodna nakon navršetka 65 godina starosti predmetnog nastavnika, a koji je ispunio uvjete za penziju, raspiše predviđenim procedurama konkurs.

Sekretar:
Emina Muderizović

Dekan:
Prof. dr. Zuhdija Hasanović